

CARTA DE LA CONGREGACION DE RELIGIOSOS SOBRE ALGUNOS ASPECTOS DE LA REGLA FRANCISCANA (La interpretación de la Regla, su obligatoriedad y la pobreza)

I

TEXT O

LITTERAE S. C. PRO RELIGIOSIS ET INSTITUTIS SAECULARIBUS DE DECLARATIONIBUS
PONTIFICIIS REGULAE ET DE PAUPERTATE, DIEI 2 FEBRUarii 1970 (Prot. N. 6130/68
(M. 64).

Reverendissime Pater,

Litteris dierum 15 Iunii et 17 Decembris 1969, heic transmissis, preces Ordinis
Fratrum Minorum delatae sunt, scilicet:

1. Ut anteriores pontificiae declarationes in Regulam S. Francisci quatenus in
Fratrum Minorum Constitutionibus receptae non sint, penitus abrogatae declarentur;

2. ut ipsius Regulae elementa, quoad vim dumtaxat praeceptivam, eatenus vigere
dicenda sint, quatenus in praedictis Constitutionibus expresse reportentur et definiantur;

3. ut facultas agnoscat~~ur~~ Capitulis Generalibus easdem Constitutiones cum Regula
interpretandi easque novis temporum adiunctis opportune accommodandi, sub suprema
tamen Apostolicae Sedis auctoritate, quae in casu praesertim in approbandis Consti-
tutionibus exercetur".

Insuper petebatur ut placita Capituli Generalis Specialis circa paupertatem franci-
scanam probarentur:

"Cum hodie pecunia sit medium necessarium commutationis etiam pro pauperibus,
Fratribus quoque licet eiusdem usus.

In usu autem pecuniae Fratres omnes a Superioribus omnino dependeant, sive licen-
tiam impetrando, sive de acceptis fidelem reddendo rationem.

Rei oeconomicae peritus, sive Frater, sive alia persona designetur a Definitorio
generali vel provinciali qui munus gerat oeconomi sive generalis sive provincialis sive
conventualis sub dependentia Superiorum, et ipsi competunt omnia iura et functiones
syndici apostolici ad normam Constitutionum generalium vigentium".

His omnibus iterum atque iterum examinatis, haec Tibi nota reddere propero:

a) In Audientia, die 5 Iulii 1969, Secretario huius Sacrae Congregationis concessa,
Summus Pontifex instanter affirmare dignatus est authenticam eximii Sancti Francisci
Regulae interpretationem Sanctae Sedi reservandam esse, facultate tamen facta Capitulis
Generalibus Tui Ordinis Regulam ipsam novis temporum adiunctis opportune accom-
modandi, quae tamen accommodatio vel Regulae interpretatio ab iisdem Capitulis